

ЎЗБЕКИСТОН РЕСПУБЛИКАСИ  
ПРЕЗИДЕНТИНИНГ  
**ҚАРОРИ**



**ПОСТАНОВЛЕНИЕ**  
ПРЕЗИДЕНТА  
РЕСПУБЛИКИ УЗБЕКИСТАН

2018 йил “3 ” октябрь

№ ДК-3956

“      ” 20 г.

**Экология ва атроф мухитни муҳофаза қилиш соҳасида  
давлат бошқаруви тизимини такомиллаштириш бўйича  
қўшимча чора-тадбирлар тўғрисида**

Сўнгги йилларда республикада экологик хавфсизликни таъминлаш, экологик вазиятни яхшилаш, чиқиндиларнинг инсонлар соғлигига заарли таъсирининг олдини олиш, шунингдек, хаёт даражаси ва сифатини ошириш учун қулай шароитлар яратиш мақсадида атроф мухитни муҳофаза қилиш соҳасида техник ва технологик жараёнлар оқибатида юзага келаётган муаммоларни ҳал этишга янги ёндашувларни жорий қилиш бўйича комплекс чора-тадбирлар изчил амалга оширилмоқда.

Республика шаҳар ва туманларида санитария жиҳатидан тозалашнинг мутлақо янги тузилмаси яратилди. Барча жойларда давлат-хусусий шериклик шароитида замонавий технологияларни қўллаган ҳолда чиқиндиларни тўплаш, ташиб ва қайта ишлаш кластерларини ташкил этишни назарда тутувчи чиқиндиларни комплексли бошқариш тизими жорий этилмоқда.

Шу билан бирга, ўтказилган таҳлил давомида белгиланган вазифаларнинг тегишли даражада амалга оширилишини, экология ва атроф мухитни муҳофаза қилиш соҳасида ислоҳотларни белгиланган суръатларда ва самарали амалга оширилишига тўсқинлик қилувчи қатор омиллар мавжудлиги аниқланди, хусусан:

**биринчи,** Ўзбекистон Республикаси Экология ва атроф мухитни муҳофаза қилиш давлат қўмитасининг (кейинги ўринларда Давлат экология қўмитаси деб юритилади) функциялари ва ваколатлари ҳаддан зиёд марказлашган;

**иккинчи,** Давлат экология қўмитаси инспекциявий фаолиятининг ягона вертикали мавжуд эмаслиги ҳайвонот ва ўсимлик дунёси объектларидан ноқонуний фойдаланишга қарши курашишни самарали олиб бориш, шунингдек, атроф мухитни муҳофаза қилиш имконини бермаяпти;

**учинчи,** санитария жиҳатидан тозалаш соҳасидаги субъектларнинг ташкилий, техник, иқтисодий ва ишлаб чиқариш фаолияти етарли даражада мувофиқлаштирилмаяпти;

**тўртинчи,** экологик тарғиботни ташкил этиш ва олиб бориш бўйича самарали механизмларнинг йўқлиги мазкур йўналишда ижтимоий реклама ва амалга оширилаётган ахборот-тушунтириш ишларининг самарадорлигига салбий таъсир кўрсатмоқда;

**бешинчи**, атроф мухитни муҳофаза қилиш тизимиға, шу жумладан атроф мухит ҳолатини моделлаштириш ва прогнозлаштиришда замонавий ахборот-коммуникация технологиялари етарли даражада жорий этилмаяпти.

Экология ва атроф мухитни муҳофаза қилиш соҳасида давлат бошқаруви самарадорлигини таъминлаш, қулай экологик ҳолатни барқарор сақлаш, худудий тузилмалар самарадорлигини ошириш мақсадида, шунингдек, 2017-2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси ва Ўзбекистон Республикасида Маъмурий ислоҳотлар концепциясига мувофиқ:

1. Ўзбекистон Республикаси Экология ва атроф мухитни муҳофаза қилиш давлат қўмитаси таркибида:

Биохилма-хиллик ва муҳофаза этиладиган табиий худудларни муҳофаза қилиш ва улардан фойдаланишни назорат қилиш инспекцияси ва Чиқиндиларнинг ҳосил бўлиши, тўпланиши, сақланиши, ташилиши, утилизация қилиниши, қайта ишланиши, кўмилиши ва реализациясини назорат қилиш инспекцияси негизида юридик шахс ташкил этмаган ҳолда **Экология ва атроф мухитни муҳофаза қилиш соҳасидаги назорат бўйича инспекцияси** (кейинги ўринларда – Инспекция);

**Санитар тозалаш бўйича ихтисослаштирилган корхоналар республика бирлашмаси** (кейинги ўринларда – Республика бирлашмаси);

Ахборот-коммуникация технологиялари ва биллинг тизимини жорий этиш ва ривожлантириш маркази негизида давлат унитар корхонаси шаклида **Экологик ахборот, ахборот-коммуникация технологияларини жорий этиш ва мультимедиа маркази** (кейинги ўринларда – Марказ) ташкил этилсин.

2. Давлат экология қўмитасининг худудий бўлинмаларини мустаҳкамлаш, шу жумладан экология ва атроф мухитни муҳофаза қилиш қилиш соҳасидаги назорат бўйича бўйича туман (шаҳар) инспекцияларини қўшимча таъминлаш мақсадида унинг тизимиға 404 штат бирлиги киритилсин.

Белгилансинки, қўшимча киритилаётган штатлар бирлигини давлат санитария-эпидемиология назорати марказларида штатлар сонини кераклигича қисқартирган ҳолда, уларни молиялаштириш учун Ўзбекистон Республикаси давлат бюджетидан ажратиладиган маблағлар ҳисобидан таъминланади.

Ўзбекистон Республикаси Соғлиқни сақлаш вазирлиги Молия вазирлиги билан биргаликда икки ой муддатда давлат санитария-эпидемиология назорати марказлари штат бирликларининг қисқаришини ҳисобга олган ҳолда, Ўзбекистон Республикаси соғлиқни сақлаш муассасалари ходимларининг штат нормативларини қайта кўриб чиқсин.

3. Кўйидагилар:

Ўзбекистон Республикаси Экология ва атроф мухитни муҳофаза қилиш давлат қўмитасининг ташкилий тузилмаси ва марказий аппарати тузилмаси 1 ва 2-иловаларга мувофиқ;

Қорақалпоғистон Республикаси Экология ва атроф мухитни муҳофаза қилиш қўмитасининг тузилмаси ҳамда вилоятлар ва Тошкент шаҳар Экология ва атроф мухитни муҳофаза қилиш бошқармаларининг намунавий тузилмаси 3 ва 4-иловаларга мувофиқ;

экология ва атроф мұхитни мұхофаза қилиш қилиш соҳасидаги назорат бүйича бүйича туман (шашар) инспекцияларининг намунавий тузилмаси 5-иловага мувофиқ;

Ўзбекистон Республикаси Экология ва атроф мұхитни мұхофаза қилиш давлат қўмитаси хузуридаги Санитар тозалаш бўйича ихтисослаштирилган корхоналар республика бирлашмасининг ташкилий тузилмаси ва аппарати тузилмаси 6 ва 7-иловаларга мувофиқ тасдиқлансан.

**4. Давлат экология қўмитаси раисига:**

зарур ҳолларда, Давлат экология қўмитасининг марказий аппарати, ҳудудий органлари, шунингдек, унинг тизимиға кирувчи ташкилотлар тузилмасига ходимларнинг чекланган умумий сони доирасида белгиланган тартибда ўзгартиришлар киритиш;

Экология, атроф мұхитни мұхофаза қилиш ва чиқиндилар билан боғлиқ ишларни амалга ошириш жамғармаси маблағлари, шунингдек, бюджетдан ташқари маблағлар бошқа ҳисобидан Давлат экология қўмитаси органларининг штат бирликларига чекланган умумий соннинг 15 фоизидан кўп бўлмаган миқдорда қўшимча штат бирликларини жорий қилиш хуқуқи берилсин.

**5. Куйидагилар:**

**а) Инспекция фаолиятининг асосий вазифалари ва йўналишлари этиб белгилансин:**

ер, ер ости бойликлари, сув, ўрмонлар, мұхофаза қилинадиган табиий ҳудудлар, ҳайвонот ва ўсимлик дунёси, атмосфера ҳавосини мұхофаза қилиш ҳамда улардан фойдаланиш соҳасидаги қонунчиликка риоя этилиши юзасидан давлат экологик назоратини амалга ошириш;

ўсимлик ва ҳайвонот дунёси обьектларининг мавжуд бўлиши, турларининг хилма-хиллигини, табиий туркумлари яхлитлигини ва уларнинг яшаш мұхитини сақлаш учун зарур шарт-шароитлар яратиш;

чиқиндилар билан боғлиқ ишларни амалга ошириш соҳасидаги қонунчиликка риоя этилиши юзасидан давлат назоратини амалга ошириш, маҳаллий давлат ҳокимияти органлари ва фуқароларнинг ўзини ўзи бошқариш органлари билан яқин ҳамкорликда майший чиқиндиларни йиғиш, ташиш, утилизация қилиш, қайта ишлаш ва кўмиш борасидаги амалий тизимни самарали ташкил этиш;

чиқиндиларни йиғиш пунктларини ташкил этиш, уларни ўз вақтида олиб чиқиши, рухсат этилмаган чиқиндиҳоналарнинг пайдо бўлишига йўл қўймаслик, чиқинди полигонларини бошқариш, уларни утилизация қилиш, қайта иглаш, кўмиш ва реализация қилишни белгиланган тартибда назоратга олишни ташкил этиш;

фуқароларни ўзини-ўзи бошқариш органлари ва нодавлат нотижорат ташкилотлари билан жамоат экологик назоратини амалга оширишда ҳамкорлик қилиш;

**б) Республика бирлашмаси фаолиятининг асосий вазифалари ва йўналишлари этиб белгилансин:**

майший чиқиндилар билан боғлиқ ишларни амалга ошириш соҳасида хизматлар кўрсатишга ихтисослаштирилган давлат унитар корхоналарининг молиявий-хўжалик фаолиятини мувофиқлаштириш;

ҳаракатдаги таркибга техник хизмат күрсатиш ва таъмирлаш ишларини бажариш, шунингдек, санитария жиҳатидан тозалаш инфратузилмаси обьектларини куриш, модернизация ва реконструкция қилиш бўйича ташкилий-техник тадбирларни мувофиқлаштириш;

маиший чиқиндиларни тўплаш ва олиб чиқиш хизматларини күрсатиш ҳолатини тизимли мониторинг ва таҳлил қилиш;

ахборот-коммуникация технологияларини жорий этиш ва ривожлантириш, шу жумладан электрон тўлов тизимларидан кенг фойдаланиш ишларини ташкил этиш;

иккиласми ресурсларнинг хўжалик айланмасига жалб қилинишини рағбатлантириш бўйича устувор йўналишларни, шунингдек, майший чиқиндиларни саралаш ва қайта ишлаш бўйича илгор технологияларни жорий этиш;

инвестиция лойиҳаларини амалга оширишда халқаро ва миллий органлар билан ўзаро ҳамкорлик қилиш;

**в) Марказ фаолиятининг асосий вазифалари ва йўналишлари этиб белгилансин:**

атроф мухитни муҳофаза қилиш соҳасида автоматлаштирилган ахборот тизимлари, ресурслари ва маълумотлар базасини яратиш, ривожлантириш ва қўллаб-куватлаш, уларни давлатнинг бошқа органлари тизимлари билан изчил интеграциялаштириш, ривожлантириш ва олиб бориш, Давлат экология қўмитаси ахборот тизимлари хавфсизлигини таъминлаш;

экология ва атроф мухитни муҳофаза қилиш соҳасида давлат кадастрини, шунингдек, ёввойи ҳайвонлар ҳамда ёввойи ҳолда ўсадиган ўсимликларни кўпайтириш ва сақлаш бўйича питомникларни, зоология ва ботаника коллекциялари давлат ҳисобини юритишнинг автоматлаштирилган тизимини яратиш, ривожлантириш ва қўллаб-куватлаш;

атроф мухитни муҳофаза қилиш, табиий ресурслардан оқилона фойдаланиш ва чиқиндилар билан боғлиқ ишларни амалга оширишнинг мониторинги, таҳлили ва ҳолатини баҳолаш жараёнига ахборот-коммуникация технологияларини жорий этиш, атроф мухит ҳолатини моделлаштириш ва прогноз қилиш бўйича дастурий маҳсулотларини яратиш;

замонавий технологиялар ва ижодий ёндошишлардан бевосита фойдаланган ҳолда экология ва атроф мухитни муҳофаза қилиш соҳасида амалга оширилаётган ислоҳотлар ҳақида кенг жамоатчилик хабардорлигини оширишга қаратилган ахборот-таҳлил ва обзорли медиа материалларини тайёрлаш, экологик маданиятни ошириш, атроф мухитни муҳофаза қилиш соҳасида ҳукуқбузарликларнинг ўз вақтида олдини олиш;

тайёрланадиган ахборот-таҳлил ва обзорли медиа материалларини тезкорлик билан тарқатиш учун маҳаллий ва хорижий оммавий ахборот воситалари ҳамда фуқаролик жамияти институтлари билан яқиндан ҳамкорлик қилиш.

**6. Давлат экология қўмитаси раиси (Б.Кучкаров) зимиасига:**

янги ташкил этилаётган бўлинмалар штатларини ва жорий этилаётган лавозимларни малакали соҳа мутахассислари билан тўлдиришни таъминлаш;

ушбу қарор талабларидан келиб чиқиб, Давлат экология қўмитаси тизимининг, биринчи навбатда, ташкил этилаётган Инспекция, Республика бирлашмаси ва Марказ фаолиятини самарали ташкил этиш;

Давлат экология қўмитаси тизими ходимлари фаолиятининг натижадорлигини тизимли танқидий таҳлил қилиш ва юклатилган вазифаларнинг ўз вақтида ҳамда сифатли бажарилиши учун уларнинг жавобгарлигини ошириш чораларини кўриш юзасидан шахсий жавобгарлик юклансин.

7. “Тоза ҳудуд” ва “Махсустранс” давлат унитар корхоналарининг Давлат экология қўмитаси томонидан ҳар йили тасдиқланадиган харажатлар сметаси доирасидаги ажратмалари, шунингдек, қонун хужжатларида тақиқланмаган бошқа манбалар Республика бирлашмаси фаолиятини;

товарларни (ишлар, хизматлар) сотишдан олинган маблағлар, Давлат экология қўмитасининг бюджетдан ташқари маблағлари, шунингдек, қонун хужжатларида тақиқланмаган бошқа манбалар Марказ фаолиятини молиялаштириш манбалари этиб белгилансин.

Давлат экология қўмитаси ва унинг тузилмавий бўлинмаларига Марказ билан хизматлар кўрсатиш (ишларни бажариш) учун тендер (танлов) савдолари ўтказмасдан шартномалар тузишга руҳсат берилсин.

8. Давлат экология қўмитаси оператив бошқарув ҳуқуки ва Марказ бегараз фойдаланиш ҳуқуки асосида Экология ва атроф муҳитни муҳофаза қилиш илмий-тадқиқот институтининг Тошкент шаҳри, Чилонзор тумани, Бунёдкор шоҳ кўчаси, 7а-уйда;

Республика бирлашмаси Тошкент шаҳри, Мирзо Улуғбек тумани, Сайрам кўчаси, 15-уйда бегараз фойдаланиш ҳуқуки асосида жойлаштирисин.

9. Тошкент шаҳар ҳокимлиги бир ой муддатда Тошкент шаҳар Экология ва атроф муҳитни муҳофаза қилиш бошқармасини оператив бошқарув ҳуқуки асосида жойлаштиришни таъминласин.

Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари бир ой муддатда туман (шаҳар) экология ва атроф муҳитни муҳофаза қилиш соҳасидаги назорат бўйича инспекциялари жойлаштирилишини таъминласин.

10. Ўзбекистон Республикаси Президентининг “Ўзбекистон Республикаси Экология ва атроф муҳитни муҳофаза қилиш давлат қўмитаси фаолиятини ташкил этишни таъминлаш чора-тадбирлари тўғрисида” 2017 йил 21 апрелдаги ПҚ-2915-сон қарорига 8-иловага мувофиқ ўзгартиришлар киритилсин.

11. Давлат экология қўмитаси:

а) Республика бирлашмаси ва Марказ уставларини тасдиқласин, шунингдек, уларнинг белгиланган тартибда давлат рўйхатидан ўтказилишини таъминласин;

б) Ўзбекистон Республикаси Вазирлар Маҳкамасига:

бир ой муддатда Ўзбекистон Республикаси Экология ва атроф муҳитни муҳофаза қилиш давлат қўмитаси тўғрисидаги низом лойиҳасини;

бир ой муддатда Ўзбекистон Республикаси Бандлик ва меҳнат муносабатлари вазирлиги билан биргаликда Давлат экология қўмитаси тизими ходимларининг меҳнатга ҳақ тўлаш ва моддий рағбатлантириш тартиби тўғрисида;

манфаатдор вазирлик ва идоралар билан биргаликда икки ой муддатда қонун хужжатларига ушбу қарордан келиб чиқадиган ўзгартиш ва қўшимчалар тўғрисида;

икки ой муддатда Ўзбекистон Республикасида ишлаб чиқариладиган товарларни ихтиёрий экологик маркировка қилиш тизимини жорий қилиш тўғрисида таклифларни;

уч ой муддатда “Экологик аудит тўғрисида”ги ва “Экологик экспертиза тўғрисида”ги қонун лойиҳаларини;

2019 йил 1 марта қадар Атроф муҳитни муҳофаза қилиш ва табиий ресурслардан оқилона фойдаланиш **Миллий концепцияси, Қаттиқ майший чиқиндилар билан боғлиқ ишларни амалга ошириш стратегияси** ва 2020-2045 йилларда **биологик хилма-хилликни сақлаш стратегияси** лойиҳаларини киритсин.

12. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов, Ўзбекистон Республикаси Президенти Администрацияси раҳбари З.Ш. Низомиддинов зиммасига юклансин.

Ўзбекистон Республикаси  
Президенти

Тошкент шаҳри



Ш. Мирзиёев


Ўзбекистон Республикаси Президентининг  
2018 йил “З” октябрдаги ПҚ-3956-сон қарорига  
1-илова

## Ўзбекистон Республикаси Экология ва атроф-муҳитни муҳофаза қилиш давлат қўмитаси ТАШКИЛИЙ ТУЗИЛМАСИ



\* Бюджетдан ташқари маблағлар, шунингдек хўжалик фаолиятидан олинган маблағлар ҳисобидан молиялаштирилади.


## Ўзбекистон Республикаси Экология ва атроф-мухитни муҳофаза қилиш давлат қўмитаси марказий аппарати ТУЗИЛМАСИ



# Қарақалпостон Республикаси Экология ва атроф-мухитни муҳофаза қилиш давлат қўмитаси ТУЗИЛМАСИ



## Вилоятлар ва Тошкент шаҳар экология ва атроф-муҳитни муҳофаза қилиш бошқармалари НАМУНАВИЙ ТУЗИЛМАСИ



Худудлар номланиши	Бошқарув ходимларининг умумий сони (дана)	шундан:			Худудлар номланиши	Бошқарув ходимларининг умумий сони (дана)	марказий аппарат	шундан:		
		марказий	аппарат	* туманлар (шаҳарлар) бўйича давлат инспекторлари				марказий	аппарат	* туманлар (шаҳарлар) бўйича давлат инспекторлари
Андижон вилояти	163	50		113	Сурхондарё вилояти	151	46	46		105
Бухоро вилояти	154	46		108	Сирдарё вилояти	124	44	44		80
Жиззах вилояти	153	48		105	Тоқиқент вилояти	215	53	53		162
Кашқадарё вилояти	176	49		127	Фарғона вилояти	195	54	54		141
Навоий вилояти	133	44		89	Хоразм вилояти	133	45	45		88
Наманган вилояти	143	46		97	Тошкент шаҳри	103	44	44		59
Самарқанд вилояти	178	49		129	Жами:	2 021	618	618		1 403

Ўзбекистон Республикаси Президентининг  
2018 йил “З” октябрдаги ПК-3956-сон қарорига  
5-илова

**Экология ва атроф-муҳитни муҳофаза қилиш соҳасидаги назорат  
бўйича туман (шаҳар) инспекцияси  
НАМУНАВИЙ ТУЗИЛМАСИ**



Худудлар номланиши

Қорақалпоғистон Республикаси  
Андижон вилояти  
Бухоро вилояти  
Жиззах вилояти  
Қашқадарё вилояти  
Навоий вилояти  
Наманган вилояти  
Самарқанд вилояти

Туманлар (шаҳарлар)  
бўйича давлат  
инспекторлари

137  
113  
108  
105  
127  
89  
97  
129

Худудлар номланиши

Сурхондарё вилояти  
Сирдарё вилояти  
Тошкент вилояти  
Фарғона вилояти  
Хоразм вилояти  
Тошкент шаҳри

Туманлар (шахарлар)  
бўйича давлат  
инспекторлари


105  
80  
162  
141  
88  
59

Жами:

1 540

Ўзбекистон Республикаси Президентининг  
2018 йил “З” октябрдаги ПК-3956-сон қарорига  
6-илова

**Ўзбекистон Республикаси Экология ва атроф-муҳитни муҳофаза қилиш давлат қўмитаси хузуридаги  
Санитар тозалаш бўйича ихтисослаштирилган корхоналар республика бирлашмаси  
ТАШКИЛИЙ ТУЗИЛМАСИ**



**Изоҳ.** Республика бирлашмаси таркибига санитар тозалаш нодавлат ихтисослаштирилган корхоналар ҳамда майший чиқиндишларни тўплаш, олиб чиқиб ташлаш, ташиш, саралаш, утилизация қилиш, қайта ишлаш ва кўмиш кластерлари ихтиёрий равишда шартнома асосида кириши мумкин.

Ўзбекистон Республикаси Президентининг  
2018 йил “З” октябрдаги ПК-3956-сон қарорига  
7-илова

**Ўзбекистон Республикаси Экология ва атроф-муҳитни муҳофаза қилиш давлат қўмитаси хузуридаги  
Санитар тозалаш бўйича ихтисослаштирилган корхоналар республика бирлашмаси аппарати  
ТУЗИЛМАСИ**



Умумий чекланган сон – 25 нафар, шундан бошқарув ходимлари – 4 нафар

Ўзбекистон Республикаси Президентининг  
2018 йил “З” октябрдаги ПҚ-3956-сонли қарорига  
8-илова

Ўзбекистон Республикаси Президентининг 2017 йил 21 апрелдаги  
“Ўзбекистон Республикаси Экология ва атроф мухитни муҳофаза қилиш  
давлат қўмитаси фаолиятини ташкил этишни тъминлаш чора-  
тадбирлари тўғрисида”ги ПҚ-2915-сон қарорига  
киритилаётган ўзгартиришлар

1. 2-банднинг иккинчи – саккизинчи хатбошилари чиқариб ташлансин;
2. 3 ва 4-бандлар, шунингдек, 5-банднинг “а” ва “в” кичик бандлари  
ўз кучини йўқотган деб ҳисоблансин.
3. 1–9-иловалар ўз кучини йўқотган деб ҳисоблансин.

